



Rabu, 11 Januari 2023

Hosea 2:2-13



Mulihlah Ku Perbulangenu



Uga nge kira-kira adi sekalak diberu si erlua-lua mindo mulihken man perbulangenna? Semal nge i bas kalak karo adi mindo mulihken man perbulangen si ndube enggo itadingkenna? Uga nge pengakapta adi lit kalak si bage perbahanenna man perbulangenna? Banci saja jabapenta, la meteh mela, ia si nadingken, ia ka si mindo mulih?

Mari si gargari cara Dibata ngenehen kalak si bage. Renungen enda sada anding-andingen kerna bangsa Israel selaku ndehara Dibata si la setia. Bangsa e nadingken Dibata selaku perbulangenna, idaramina dilaki sideban si ngasup mereken man bana pangan si entabeh ras kesenangan doni. Idaramina bangsa si deban si gegehen asangken ia ras ku je ia erpenundalen. Isembahna pe dibata-dibata bangsa si megegeh e. Itundalkenna Dibata si enggo leben nampati ia.

Tuhu, merawa Dibata janah itadingkenna pe bangsa e, adi kin i bas perjabun ndai isirangken Tuhan bangsa Israel e. Tapi i je lalap ukurNa. E maka, iajarina anak-anak bangsa Israel e mindo alu mengisngis gelah nandena e mulihken ku Dibata, tadingkenna perbahanen si erlua-lua. Dibata pe bahanNa usahaNa e me erbahan bide gelah Bangsa Israel e lanai banci jumpa ras dilaki si atena ngena. Iayak-ayakna dikai si atena ngena tapi la banci jumpa. Seh ngelabuh ia ngayakisa dungna turah i bas ukurna mulihken ku perbulangenna si pemena, e me man Dibata. Amin pe enggo sirang lalap denga iarapken Dibata gelah bangsa Israel e mulihken man baNa. Teridahkal isi pusuh Dibata e, lalap ertima ndigan anak-anakNa e robah, mulihken man baNa.

Isi Pusuh Dibata